

眉州屬志卷一

金陵涂長發重修

天文志

星野

宿論

氣候

救護

九州十二域各有分星以天象之變遷驗人事之得失其理信然而其說互異天市垣有列國星二十二牛女下亦有十二此以一星主一國也巴蜀分井鬼參此本周禮保章氏註以二十八宿分繫各州郡而歷史咸宗之者也顧或謂州縣無專宿而星經統地其遠近亦莫可考據故他志多從其

眉州屬志

卷一

星野

一

畧然庶徵類應捷於影響

聖天子奉時欽若凡在有位宜無不體此意以兢兢謹天戒慎修省敢或忽歟作天文志

星野

周禮保章氏以星土辨九州其註云觜參主益州史記天官書二十八舍主十二州益州為參分漢書巴蜀分井鬼參又云觜觶參主益州晉書天文志自東井十六度至柳八度為鶉首又參七度益州入隋書益州分參唐書劍南道分井鬼又云南

戒自岷山嶓冢實沈之陽宋史益梓利夔四路分井鬼又東井輿鬼鶉首也盡巴蜀漢中之地河圖括地象曰岷山之下爲井絡又星應輿鬼故君子精明小人鬼黠春秋元命苞云觜參流爲益州華陽國志仰稟參伐蜀紀帝居房心決事參伐是爲蜀分天文占候太白血畢觜鎮星主井五車卿星弧矢俱主益州通志直隸眉州屬井鬼之分入參三度

按明史四川所屬惟綿州觜分合州參井分餘

眉州屬志

卷一

星野

二

皆井鬼分而無入參之說省志成都屬井鬼之分入參一度而眉屬入參三度舊志丹稜入參一度星經謂一度統地二千三百九十二里一說統地三千九百三十二里眉成相距祇百數十里而丹稜則數十里耳不應相隔兩度之遙又黃鼎度里通議謂每度約二百五十里與前一二說相懸殊大率天文家言多臆爲揣測不必過鑿也

宿論

觜宿歌 明史觜宿今在參後

三星相近作參葢觜上座旗直指天尊卑之位九相連司怪曲立座旗邊四鳥大近井鉞前



觜宿論

觜三星白獸之首也為行軍之藏府司怪四星主候變怪座旗九星主別尊卑星明則國有禮

參宿歌


眉州屬志

卷一

宿論

三

總有七星觜相侵兩肩雙足三為心伐有三星足裏深玉井四星右足陰屏星兩扇井南襟軍井四星屏上吟左足四星天厠名厠下一星天屎沉



參宿論

參七星一曰參伐一曰大辰一曰天市一曰鈇鉞

參白獸之體也其中三星橫列三將也

公羊傳曰大火爲大辰北辰爲大辰參亦爲大辰
蓋心與參伐天所以示民時早晚天下所正故皆
謂之大辰參左右肩膀四星爲實沈之神

斗牛爲河之首參畢爲河之尾首在北方若夏則
河首轉在南而畢參反在北矣正月初八夜看參
星卜一歲之水旱若參過月西多旱

井宿歌

八星橫列河中靜一星名鉞井邊安兩河各三南

眉州屬志

卷一

宿論

四

北正天鐫三星井上頭鐫上橫列五諸侯侯上北
河西積水欲覓積薪東畔是鉞下四星名水府水
位東邊四星序四瀆橫列南河裏南河下頭是軍
市軍市團團十三星中有一個野鷄精孫子丈人
市下列各立兩星從東說闕邱兩個南河東邱下
一狼光蓬茸左邊九個彎弧弓一矢擬射頑狼胸
有個老人南極中春秋出入壽無窮

紫 微 垣 內 階



井宿考

鉞一星附於井足前第一星邊南北河各三星分夾東井天之關門主關梁南河曰南界北河曰北

眉州屬志

卷一

宿論

五

界○天罇三星在井北五諸侯南主盛饘粥以給貧賤○諸侯五星在東井東北近北河主刺舉戒不虞理陰陽察得失○積水一星在北河西主聚美水以給酒官○積薪一星在北河東主聚薪以給享祭供庖厨○水府四星在東井西南鉞星下主隄防以備水○水位四星在開東南主水衡以洩滯溢○四瀆四星在東井南江淮河濟之精○軍市十三星如錢狀在參東南一八軍貿易之市○野鷄一星在軍市中主知怪變六奸虞○丈人二

星在軍市南主國家老臣○子二生在丈人東孫
 二星在子星東皆所以侍奉丈人○關邱二星在
 南河東主天子之象魏○天狼一星在南河東南
 主盜賊○弧矢九星在狼東南天子之弧矢也以
 備盜賊○老人一星在弧矢西南曰南極老人主
 壽考秋分之旦見於丙春分之夜沒於丁

鬼宿歌

四星册方似木櫃中央白者積尸氣鬼上四星是
 燿位天狗七星鬼下是外厨六星柳星次天社六


眉州屬志

卷一

宿論

六

星弧東倚社東一星是天紀



鬼宿論

輿鬼四星天目也主視明察奸謀中央白氣為積
 尸有氣無形主祠祭喪葬不宜五三星客彗守犯北

四星曰燿主烽火一作主變國火南六星曰外厨
享燕之厨也天狗七星在鬼西南狼之北橫於河
中以備盜天社六星主社隋志云其工氏之子勾
龍能平水土故祀以爲社其精爲星焉東北一小
星爲天紀在外厨南主知禽獸

分野雖有定宿然其間不無變更據西法周天十
二宮宮各三十度列宿七十年有竒退一度二千
一百餘年當移一宮如明史稱觜宿唐測在參前
半度元測在參前五分今測已侵入參宿故舊法

先觜後參今則先參後觜又觜宿中之座旗九星
今止存五而少其四井宿中之軍市十三星今止
存五而少其八鬼宿中之外厨六星今亦存五而
少其一其他或古有而今無或古無而今忽有是
恒星且多變更測天豈容執一因錄黃氏之說於
後以知推測者當通變隨時不可拘泥古法

黃鼎曰星野之分雖有定屬然世歷千古不能無
變也有因天運而變者有因地勢而變者有因人
事而變者以天運之宿度分於黃道黃道遷於歲

差如宿屬斗末者或變而爲牛初則分野之隸於斗末者亦當更而爲牛初矣此因天運之變而分野當改也以地勢而論之據吳越相隔一浙風俗音容好尚頓殊是人物限於山川而山川限爲分野惟山亘古今而不變然川或有壅塞或有開導河或有遷徙如汴城或徙於河之北復更於河之南則亦當隨其遷徙壅導而判其分野矣此地勢之變而分野當改也以人事而論之據魏徙大梁則西河合於東井秦拔宜陽則上黨入於鬼輿或

后州屬志

卷一

氣候

八

氣候

昨屬荆豫今隸青兗朝爲零桂之士夕爲廬九之民此因人事之變而分野當改也三才交變如此分野之說豈可泥於一定而無變通之議耶

地下濕春夏多雨秋冬少霜雪冬無苦寒夏無酷暑其地近成都故氣候亦畧相似得四時之和也桃李春初華牡丹仲春卽放梅二月實稻仲春播種六七月熟八月則盡登場其餘荏菽麻麥等類皆較他處先成

救護

十月之詩曰彼月而食則維其常此日而食於何不臧是日食重於月食也然均謂之日月告凶不用其行變不虛生緣政而起洪範咎徵卿士月省之師尹日省之謂官敬天之渝思其所以致此者恐懼修省以弭災變非徒特救護之文也然瞽奏鼓嗇夫馳庶人走古人之於天變皇遽不寧如此矧在有位其迫切救護當何如乎凡遇

日食設香案州堂露臺上具金鼓於臺下知州率僚

屬穿素服環遶三匝初虧食甚俱行三跪九叩禮僧道等鳴金鼓候復圓仍素服行三跪九叩禮畢各退乾隆十三年禮部頒行月食爲月入地影本體失光故各省見食分秒皆同日食爲月體掩日日距地遠月距地近人在地面有東西南北之殊故各省見食分秒各異嗣後仍照舊例食三分以上者救護不及三分者不行救護